

四庫全書

經部

欽定四庫全書

經部

御製律呂正義上編
總目
目錄
卷一

詳校官閣學管理樂部臣鄒英考

洗馬臣王坦修覆勘

總校官編修臣王燕緒

校對官待詔臣胡士震

謄錄監生臣陳揚

欽定四庫全書

經部九

御製律呂正義總目

樂類

上編二卷

下編二卷

續編一卷

臣等謹案律呂正義五卷

聖祖仁皇帝御製乃律厯淵源中第二部也為編有三上編二卷曰正律審音以發明黃鍾起數

及縱長體積面幕周徑律呂損益之理管絃
律度清濁旋宮之法下編二卷曰和聲定樂
以明八音制器之要器各有圖有說而於各
篇之中詳考古今諸樂之同異續編一卷曰
協均度曲則取西洋波爾都哈兒國人徐日
昇及壹大里呀國人德禮格所講聲律節奏
證以經史所載律呂宮調諸法分配陰陽二
均字譜上圖下說以之晰理即以之入用綜

古今樂律之大成洵乎得中聲以定大樂與
天地同和矣乾隆四十六年十二月恭校上

總纂官

臣

紀昀

臣

陸錫熊

臣

孫士毅

校

總校官

臣

陸

費

墀

校

官

墀

欽定四庫全書

御製律呂正義上編

正律審音

卷一

黃鍾為萬事根本

黃鍾理數

黃鍾轉生律呂

黃鍾律分

定黃鍾縱長體積面幕周徑

定律呂之長損益相生

定律呂之積損益相生

度量權衡

審定十二律呂五聲二變

審定十二律呂高低字譜

十二律呂同徑倍伴生聲應五聲二變

黃鍾加分減分比例同形得聲應十二律呂

卷二

明管音絃音全半應聲之不同

明管律絃度五聲二變取分之不同

明絲樂絃音不可以十二律呂之度取分

定絲樂絃音清濁二均之度分

旋宮起調

絃音旋宮轉調

欽定四庫全書

御製律呂正義上編卷一

黃鍾為萬事根本

黃鍾理數

黃鍾轉生律呂

黃鍾律分

有圖

定黃鍾縱長體積面畧周徑

定律呂之長損益相生

有圖

定律呂之積損並相生

度量權衡

附周髀漢斛

審定十二律呂五聲二變

審定十二律呂高低字譜

十二律呂同徑倍半生聲應五聲二變

黃鐘加分加分比例同形得聲十二律律呂

黃鍾為萬事根本

大哉黃鍾萬事之本也自黃帝製為黃鍾之管以定中聲而制事立法物度軌則壹稟于此蓋存天地之神利萬民之用其于政教所關為尤切也黃鍾立則元聲協而十二律呂亦協宮聲正而五音亦正天下萬物分錯而不齊者皆由是以定焉黃鍾之長九十黍以為分寸尺丈引則曰度而物之長短不差豪釐黃鍾之容千二百黍以為合升斗斛則曰量而物之多寡不失圭撮

黃鍾所容千二百黍之重以爲銖兩斤鈞石則曰權衡而物之輕重不爽忽微蓋得其本而末自不能外矣言乎天道則一陽寶元氣之始而爲萬物所由滋言乎人事則黃鍾備陰陽之全而爲萬事所受紀此猶分兩儀布五氣行四時萬物生生變化無窮而要不出于太極之全體也古之聖王惟得中聲以定大樂故與天地同和薦之郊廟奏之朝廷而天地神人以享用之鄉黨用之邦國而人心風俗以淳至于備物致用立成器以爲

天下利則經緯萬端宰制羣動而國計民生無不賴焉
樂記曰聲音之道與政通又曰百度得數而有常其信
然乎

黃鍾理數

司馬遷律書曰神生于無形成于有形然後數形而成
聲神者天地之元氣發為元聲者也無形者理也有形
者數也此言非理則數無由生也又曰核其華道者明
矣華道者也道者理也言必核其數之真理始可得而
見也夫有黃鍾之聲必有黃鍾之數有黃鍾之數必有
黃鍾之理若無以明其理即無以精其數無以精其數
即無以得其聲蓋理者數之體數者理之用惟理與數

相生故人聲與樂器相協而大樂以成焉按律呂新書
黃鍾九寸空圍九分積八百一十分註曰天地之數始
于一終于十其一三五七九為陽九者陽之成也其二
四六八十為陰十者陰之成也黃鍾陽聲之始陽氣之
動也故其數九分寸之數具于聲氣之元不可得而見
及斷竹為管吹之而聲和候之而氣應而後數始形焉
均其長得九寸審其圍得九分積其實得八百一十分
長九寸圍九分積八百一十分是為律本度量權衡于

是而受法十一律由是而損益焉朱子以謂本原第一章圍徑之數是最大節目蓋上古聖人心通造化默會中聲製為黃鍾適符天地自然之數漢晉而後凡究心于律呂者因未詳考黃鍾之真度是以中聲無由而得今欲定黃鍾之管必先定黃鍾之度既得黃鍾之度乃考其周徑面羃積實之相生而較以容泰之多寡然後製以器審以音一一脗合則理之出于自然者無不歸于大同矣

黃鍾轉生律呂

按前漢志黃鍾三分損一下生林鍾三分林鍾益一上生太簇三分太簇損一下生南呂三分南呂益一上生姑洗三分姑洗損一下生應鍾三分應鍾益一上生蕤賓三分蕤賓損一下生太呂三分太呂益一上生夷則三分夷則損一下生夾鍾三分夾鍾益一上生無射三分無射損一下生仲呂陰陽相生自黃鍾始而左旋八為伍又通典十二律相生之法皆以黃鍾為始下生

者三分去一上生者三分益一五下六上仍得一終黃
鍾下生林鍾林鍾上生太簇太簇下生南呂南呂上生
姑洗姑洗下生應鍾應鍾上生蕤賓蕤賓上生大呂大
呂下生夷則夷則上生夾鍾夾鍾下生無射無射上生
仲呂此謂十二律長短相生一終仲呂之法夫律呂始
黃鍾終應鍾止于十二者聖人審音制律其生聲之理
不得不止于十二且稽之于度三分損益上下相生其
成形之數尤不得止于十二故國語曰紀之以三平

之以六成于十二天之道也至蕤賓之生大吕漢志主
下生通典主上生主下生者宗司馬遷律書主上生者
宗吕氏淮南之說也而朱子儀禮經傳通解亦取上生
蓋蕤賓下生則三分損一僅得大吕之半必倍之始得
其全上生則三分益一適得大吕之全其數立黃鍾太
蕤之中而聲界黃鍾太蕤之交與其下生而得其半孰
若即用上生之直截簡當耶此以聲音度數言之而宜
用上生者也黃鍾一陽復始為十一月之律三分損一

下生林鍾為六月之呂此陽生陰宜下生也林鍾三分益一上生太簇為正月之律此陰生陽宜上生也太簇三分損一下生南呂為八月之呂此陽生陰宜下生也南呂三分益一上生姑洗為三月之律此陰生陽宜上生也太簇三分損一下生南呂為八月之呂此陽生陰宜下生也應鍾三分益一上生蕤賓為五月之律此陰生陽宜上生也至蕤賓之生大呂復用上生者蓋自黃鍾十一月之律一陽始生而大呂十二月之呂二陽相

繼位雖居陰而氣實應乎陽蕤賓五月之律一陰始生
位雖居陽而氣則屬乎陰故蕤賓之生大呂實以陰生
陽而宜上生者也自蕤賓一陰生而夷則七月之律無
射九月之律氣皆為陰自黃鍾一陽生而夾鍾二月之
呂仲呂四月之呂氣皆為陽故大呂生夷則為下生夷
則生夾鍾為上生夾鍾生無射為下生無射生仲呂為
上生是皆緣蕤賓上生而然此以陰陽理氣言之而宜
用上生者也宋陳祥道禮書註曰黃鍾至姑洗陽之陽

也林鍾至應鍾陰之陰也陽之陽陰之陰則陽息陰消之時故陽常下生而有餘陰常上生而不足蕤賓至無射陰之陽也大呂至仲呂陽之陰也陰之陽陽之陰則陽消陰長之時故陽常上生而不足陰常下生而有餘周禮訂義楊謹仲曰陽中之陽則下生而損一分至陰中之陽則下生者反當益陰中之陰則上生而益一分至陽中之陰則上生者反當損此二說者可以闡呂氏淮南之指而發蕤賓上生之蘊矣古之聖王制為十二

律呂以配十有二月節四時之變明消息之機一皆本
乎陰陽陰陽之辨精則理明而數備故律呂三分損益
上下相生之法誠千古不易之至理也

黃鍾律分有圖




黃鍾之律有長與圍徑則有尺度有尺度然後數立焉
黃鍾元聲原未絕于世而造律之尺獨難得其真隋志
載歷代尺一十五等其後改革益甚至律呂新書所載
如周尺漢劉歆銅斛尺蔡邕銅倫尺建武銅尺魏杜夔
尺晉田父玉尺始平古銅尺汲冢玉律尺劉曜土圭尺
劉宋錢樂之渾儀尺後魏元延明尺後周玉尺梁景表
尺隋開皇水尺五代王朴律準尺宋和峴尺李照尺胡

璦阮逸尺鄧保信尺大晟樂尺共二十餘種然尺者所以度律而黍者所以定尺古今尺度雖各不同而律之長短自不可更黍之大小又未嘗變故黃鍾之分參互相求而可得其真也宋李照以縱黍累管管容千七百三十黍空徑三分固失于大胡璦以橫黍累尺管容千二百黍空徑三分四釐六豪亦非真度通志載夏尺十寸商尺十有二寸周尺八寸自三代而後尺雖不一大約長不踰商尺短不減周尺今黃鍾之長九寸非夏尺

之九寸商尺之九寸亦非歷代諸尺之九寸乃本造律
度十分之九也夫以夏尺商尺之度制為黃鍾之倫其
容受逾于千二百黍固不必言嘗以今尺之八寸為周
尺立法制為黃鍾之倫其容黍又少歟更以今尺之八
寸一分立法乃恰合千二百黍之分始知古聖人定黃
鍾之律蓋合九九天數之全以立法也且驗之今尺縱
黍百粒得十寸之全而橫黍百粒適當八寸一分之限
明鄭世子載堉律呂精義審度篇亦載橫黍百粒當縱

黍八十一粒又前漢志曰黃鍾之長以子穀秬黍中者
一黍之廣度之九十分黃鍾之長一為一分夫廣者橫
之謂也九十分為黃鍾之長則黃鍾為九十橫黍所累
明矣以橫黍之度比縱黍之度即古尺之比今尺以古
尺之十寸即橫黍一百之度為一率今尺之八寸一分即縱黍八十一
度為二率黃鍾古尺九寸為三率推得四率七寸二分
九釐即黃鍾今尺之度也夫考音而不審度固無特契
之理審度而不驗黍亦無恰符之妙依今所定之尺

造為黃鍾之律考之于聲既得其中實之以黍又適合
千二百之數然則八寸一分之尺豈非古人造律之真
度耶



定黃鍾縱長體積面累周徑

律呂新書黃鍾長九寸空圍九分

言圓面積九方分也

積八百一

十分夫有縱長有體積則面累圍徑自可得而考矣漢

蔡邕晉孟康吳韋昭皆主徑三圍九以今所定比例四

率法求之得面累六分七十五釐

平方定位法百釐成分百分成寸故曰幾

十幾分幾十幾釐

以長九十分乘之得體積六百零七分五百

釐

立方定位法千釐成分千分成寸故曰幾百幾十幾分幾百幾十幾釐

比之八百一十

分母乃太少宋胡瑗蔡元定主徑三分四釐六豪用定

率求之得面畧九分三十九釐三十九豪以長九十分
乘之得體積八百四十五分四百五十一釐比之八百
一十分則又過之惟劉宋祖沖之密率求得徑三分三
釐八豪四絲四忽而畧八分九十九釐九十七毫有奇
其數為近但其法以周率二十二四之猶用圓田術三
分益一起算故小餘猶未密耳夫執一說而不參互相
求則于理有遺參互相求而不用密法比例則于數有
遺今置黃鍾古尺積八百一十分以九十分歸之得面

累九方分用比例四率相求表內面線相等面積不同
定數為比例以圓面積一十萬為一率方面積一十二
萬七千三百二十四為二率今面累九方分為三率推
得四率一十一分四十五釐九十豪為圓面累徑線相
等正方面積以開平方得三分三釐八豪五絲一忽乃
黃鍾古尺之徑數也求周則以周徑相求定數為比例
以徑一百一十三為一率周三百五十五為二率今徑
三分三釐八豪五絲一忽為三率推得四率十分零六

釐三豪四絲六忽為黃鍾古尺之內周數也較以時尺則黃鍾古尺之積比今尺之積即古尺自乘再乘之數比今尺自乘再乘之數

因體積相比故用自乘再乘之數

以古尺一百

分自乘再乘得一百萬分為一率今尺八十一分自乘再乘得五十三萬一千四百四十一分為二率黃鍾古尺積八百一十分為三率推得四率四百三十分四百六十七釐二百一十豪乃黃鍾今尺之積也如求面畧則以今尺長七寸二分九釐歸之得面畧五分九十釐

四十九豪如法求徑得二分七釐四豪一絲九忽是為黃鍾今尺之徑數若以古尺之徑數如法比例以推今尺之徑數或以今尺之徑數如法比例以推古尺之徑數皆彼此協合夫以縱長體積面累周徑古尺今尺參互相求莫不環轉符契而無豪釐之差始為立法之密而于理數無遺也

定律呂之長損益相生

有圖

自古論律呂者必先考黃鍾之長黃鍾之長定而十一
律呂皆由此定律呂新書言黃鍾九寸寸作十分為九
十分又言黃鍾九寸寸作九分為八十一分夫九十分
乃黃鍾之正數而八十一分原于管子絃音五聲度分
史記淮南子遂以為管音度分新書雖兼取之而九寸
之說實不可易但尺度不明則執九寸之說亦不能無
失故定律呂之長必以古尺通之今以比例推求然後

真數可得以古尺言之黃鍾九寸三分損一得六為林
林鍾林鍾三分益一得八寸為太簇太簇三分損一得
五寸三分三釐三豪三絲三忽三微三纖有奇為南呂
南呂三分益一得七寸一分一釐一豪一絲一忽一微
一纖有奇為姑洗姑洗三分損一得四寸七分四釐零
七絲四忽零七纖有奇為應鍾應鍾三分益一得六寸
三分二釐零九絲八忽七微七纖有奇為蕤賓蕤賓三
分益一得八寸四分二釐七豪九絲八忽三微五纖有

奇為大吕大吕三分損一得五寸六分一釐八豪六絲
五忽五微六纖有奇為夷則夷則三分益一得七寸四
分九釐一豪五絲四忽零九纖有奇為夾鍾夾鍾三分
損一得四寸九分九釐四豪三絲六忽零六纖有奇為
無射無射三分益一得六寸六分五釐九豪一絲四忽
七微四纖有奇為仲吕仲吕三分益一得八寸八分七
釐八豪八絲六忽三微三纖有奇比之黃鍾九寸不足
一分二釐一豪一絲三忽六微六纖有奇以今尺言之

黃鍾之七寸二分九釐損益相生則林鍾得四寸八分
六釐太簇得六寸四分八釐南呂得四寸三分二釐姑
洗得五寸七分六釐應鍾得三寸八分四釐蕤賓得五
寸一分二釐大呂得六寸八分二釐六豪六絲六忽六
微六纖有奇夷則得四寸五分五釐一豪一絲一忽一
微一纖有奇夾鍾得六寸零六釐八豪一絲四忽八微
一纖有奇無射得四寸零四釐五豪四絲三忽二微有
奇仲呂得五寸三分九釐三豪九絲零九微四纖有奇

至仲呂上生比黃鍾原數不足九釐八豪一絲二忽零
六纖有奇夫黃鍾古尺之度所生律呂其分寸如彼今
尺之度所生律呂其分寸如此古尺之度爲數多今尺
之度爲數少數多者橫黍之所生數少者縱黍之所累
數之多少雖異而管之長短則同今尺之七寸二分九
釐正古尺之九寸也至于仲呂不能還生黃鍾乃數之
使然蓋十二律呂上下相生損之漸少而益之不足故
仲呂上生之變黃鍾雖不及黃鍾一分上下而其數仍

與黃鍾相近不得自成一律其聲亦與黃鍾相近不能
自成一音細繹其理下生而損上生而益損益之間數
有消長亦如氣盈朔虛之有閏分此古人所以以律呂
配之十二月也

仲呂
古尺六寸六分五釐九豪
今尺五寸三分九釐三豪


姑洗
古尺七寸一分一釐一豪
今尺五寸七分六釐

夾鍾
古尺七寸四分九釐一豪
今尺六寸〇分六釐八豪

太簇
古尺八寸
今尺六寸四分八釐

大呂
古尺八寸四分二釐七豪
今尺六寸八分二釐六豪

黃鍾
古尺九寸
今尺七寸二分九釐



旋賓

古尺六寸三分二釐
今尺五寸一分二釐

林鍾

古尺六寸
今尺四寸八分六釐

夷則

古尺五寸六分一釐八豪
今尺四寸五分五釐一豪

南呂

古尺五寸三分三釐三豪
今尺四寸三分二釐

無射


古尺四寸九分九釐四豪
今尺四寸〇分四釐五豪

應鍾

古尺四寸七分四釐
今尺三寸八分四釐

尺今

尺古



定律呂之積損益相生

制律呂之法以積實容黍為要者蓋因管之長短廣狹
依此以正而聲之洪纖高下賴此以生是以必得黃鍾
之真積然後中聲可定由是三分損益以為十一律呂
而積無不合聲無不諧但古今尺度不同則縱長周徑
因之而積實之數亦異必考核古今積數之異而驗以
容受之同然後律呂之真分可辨也黃鍾積實古尺之
八百一十分與今尺之四百三十分四百六十七釐二

百一十豪為數不同而體之積分倫之容黍

千二百粒

實未

嘗異故十二律呂之積損益相生皆本于此黃鍾古尺
之積八百一十分三分損一得五百四十分為林鍾林
鍾三分益一得七百二十分為太簇太簇三分損一得
四百八十分為南呂南呂三分益一得六百四十分為
姑洗姑洗三分損一得四百二十六分六百六十六釐
六百六十六豪有奇為應鍾應鍾三分益一得五百六
十八分八百八十八釐八百八十八豪有奇為蕤賓蕤

實三分益一得七百五十八分五百一十八釐五百一十八豪有奇為大呂大呂三分損一得五百零五分六百七十九釐零一十二豪有奇為夷則夷則三分益一得六百七十四分二百三十八釐六百八十三豪有奇為夾鍾夾鍾三分損一得四百四十九分四百九十二釐四百五十五豪有奇為無射無射三分益一得五百九十九分三百二十三釐二百七十三豪有奇為仲呂若夫今尺之積黃鍾之四百三十分四百六十七釐二

百一十豪三分損益則林鍾得二百八十六分九百七十八釐一百四十豪太簇得三百八十二分六百三十七釐五百二十豪南呂得二百五十五分零九十一釐六百八十豪姑洗得三百四十分一百二十二釐二百四十豪應鍾得二百二十六分七百四十八釐一百六十豪蕤賓得三百零二分三百三十釐八百八十豪大呂得四百零三分一百零七釐八百四十豪夷則得二百六十八分七百三十八釐五百六十豪夾鍾得三百

五十八分三百一十八釐零八十豪無射得二百三十八分八百七十八釐七百二十豪仲呂得三百一十八分五百零四釐九百六十豪夫製管取聲皆由于積實則十一律呂之積宜與黃鍾並詳而言律者多未及焉蓋因其所定律呂之長與面累相乘積數有未合耳十二律呂之度太簇以上得全寸而無奇零故未顯同異南呂以下積差漸多南呂古尺之長五寸三分三釐三豪三絲三忽有奇與面目九方分相乘得積四百八十

分如以南呂為五寸三分與面幕九分方相乘止得積
四百七十七分則少三分至無射四寸九分九釐四豪
三絲六忽與面幕相乘得四百四十九分四百九十二
釐有奇如以無射為四寸八分八釐四豪八絲與面幕
相乘止得積四百三十九分六百三十二釐則少九分
八百六十釐凡制樂之法皆以積數倍之或加四倍或
加八倍或加至十數倍及其用也若積少一分四倍則
差四分八倍則差八分積少九分四倍則差三十六分

八倍則差七十二分夫聲音之發所辨正在中容實積多寡豪釐之際而可因其奇零遂略之耶至于黃鍾之倫積八百一十分容千二百黍蓋所積之分方分也所容之黍圓粒也以方分度圓粒則必有空隙故合八百一十分之方適容千二百黍之圓乃為虛實相應之準則焉然十二律呂之管皆生于黃鍾而論者亦止及黃鍾之容其他俱未載夫積分猶恐虛實之難憑而容粒則有實黍之可證故容黍之分亦當用三分損益以核

之黃鍾容千二百黍三分損一得八百黍為林鍾林鍾三分益一得一千零六十七黍為太簇太簇三分損一得七百一十一黍為南呂南呂三分益一得九百四十八黍為姑洗姑洗三分損一得六百三十二黍為應鍾應鍾三分益一得八百四十三黍為蕤賓蕤賓三分益一得一千一百二十四黍為大呂大呂三分損一得七百四十九黍為夷則夷則三分益一得九百九十九黍為夾鍾夾鍾三分損一得六百六十六黍為無射無射

三分益一得八百八十八黍為仲呂仲呂三分益一得

一千一百八十四黍

凡餘分過大半者進一黍不及半者不計

夫體積雖有

古今尺度之殊而容黍則一是以假黍以證分推分以定律以千二百黍實黃鍾之倫不虧不溢則其他律呂之容度亦皆無一黍之差也是知古人制律有積分以驗實體有容受以驗積分所以互相比較務得律呂之真度故並著其同異俾觀者得取衷焉

度量權衡

附周髀漢斛

虞書曰協時日正月同律度量衡同者慮其不同而必期于同也黃鍾為聲氣之元象數之本度量權衡皆于是受法焉律呂新書審度篇曰度者分寸尺丈引所以度長短也生于黃鍾之長以子穀秬黍中者九十枚度之一為一分十分為寸十寸為尺十尺為丈十丈為引嘉量篇曰量者倫合升斗斛所以量多少也生于黃鍾之容以子穀秬黍中者一千二百實其倫以井水準其

槩以度數審其容合倫為合十合為升十升為斗十斗
為斛謹權衡篇曰權衡者銖兩斤鈞石所以權輕重也
生于黃鍾之重以子穀秬黍中者一千二百實其倫百
黍一銖一倫十二銖二十四銖為一兩十六兩為斤三
十斤為鈞四鈞為石又新書載周禮典瑞璧羨以起度
玉人璧羨度尺好三寸以為度易緯通卦驗以十馬尾
為一分孫子算術以蠶所吐絲為忽又載周禮考工記
臬氏為量改煎金錫則不耗不耗然後權之權之然後

準之準之然後量之量之以爲鬴深尺內方尺而圓其
外其實一鬴其臀一寸其實一豆其耳三寸其實一升
重一鈞聲中黃鍾之宮注周鬴容六斗四升實一千二
百八十倫計一百零三萬六千八百分漢斛容十斗實
二千倫計一百六十二萬分今置鬴積以深一尺分之
得面畧一萬零三百六十八分約之以尺得正方一尺
零三寸六十八分然則所謂內方尺者非鬴之圓面畧
容正方一尺耶若求鬴徑則置面畧用平圓求徑定率

推之得徑一尺一寸四分八釐九豪有奇再以鬴積六斗四升分之每升得一萬六千二百分以十合分之每合得一千六百二十分以二倫分之每倫得八百一十分與黃鍾倫數同漢斛積以十斗分之每斗得一十六萬二千分以十升分之每升得一萬六千二百分與周鬴所容升數同自升而下亦得黃鍾之倫數焉夫黃鍾之積有古今尺度為數之不同而就黃鍾本律之分而言則周鬴漢斛皆可以相證也權衡之數始于銖古之

一龠為十二銖重五錢今所定之龠以現行權衡考之
止二錢五分強五量之數終于斛古之十斗為一斛今
則五斗為一斛權衡與量今比古皆加一倍矣推原其
故古尺乃橫黍所累本小今尺乃縱黍所累本大小尺
所制黃鍾之龠必小故量與權衡亦隨之而小大尺所
制黃鍾之龠必大故量與權衡亦隨之而大使不審尺
之大小則黃鍾竟無定體之可憑矣即今所定黃鍾之
龠而論之則古尺之八百一十分與今尺之四百三十

分數雖不同而體則一若但執一尺而論則八百一十分與四百三十分其體已差一倍此今之量與權衡所以加古一倍也要之量與權衡之大小皆由于尺度之短長尺度之短長原于定黃鍾之各異定黃鍾之各異又係于累黍之不同然則度量權衡皆起于黃鍾而驗黃鍾者可不取證于度量權衡耶是知一本而萬殊者由于萬類之難齊萬殊而一本者無非一理之所貫故古聖人同律度量衡為經國宜民之要務也

審定十二律呂五聲二變

言樂者皆知三分損益隔八相生然此二者義各有在不可一槩而論三分損益乃制律之則也古聖人立為算術以別十二律呂相生之度凡金石之厚薄絲竹之短長皆依以定焉隔八相生乃審音之法也審音之法必取首音與第八音叶合同聲以為之準即首音八音之間區而別之以為五聲二變則清濁之相應高下之相宣皆賴以生焉但五聲二變有施于管律者有施于

絃度者其生聲取分各有不同自漢唐以後皆宗司馬氏淮南子之說以三分損益之術誤為管音五聲二變之次復執管子絃音五聲度分而牽合于十二律呂之中故管律絃度俱不可得而明如旋宮圖黃鍾為宮太簇為商姑洗為角蕤賓為變徵林鍾為徵南呂為羽應鍾為變宮至半黃鍾復為清宮大呂為宮夾鍾為商仲呂為角林鍾為變徵夷則為徵無射為羽黃鍾為變宮而半大呂復為清宮夫正律為宮至半律而仍為宮正

律為商至半律而仍為商則宮商一定而旋宮之義已失且陽律而雜以陰呂陰呂而雜以陽律陰陽相雜而取聲之原亦未為得是蓋各守所傳固執一理而未始備制律呂之管以審音也間嘗截竹為管詳審其音黃鍾之半律不與黃鍾合而合黃鍾者為太簇之半律則倍半相應之說在絃音而非管音也明矣又黃鍾為宮其徵聲不應于林鍾而應于夷則則三分損益宮下生徵之說在絃度而非管律也明矣是知古聖人審定律

呂陰陽各六陽則為律陰則為呂意固有在也孟子曰
不以六律不能正五音鄭康成大司樂注六律合陽聲
六呂合陰聲國語以六呂為六間非陰陽分用之證耶
呂氏春秋以三寸九分之管為聲中黃鍾之宮非半太
簇合黃鍾之義耶是以即陰陽之各分者言之則陽律
從陽陰呂從陰各成一均而不相紊故今所定黃鍾為
首音宮聲次太簇為二音以商聲應姑洗為三音以角
聲應蕤賓為四音以變徵應夷則為五音以徵聲聲應

無射為六音以羽聲應半黃鍾為七音以變宮聲應此
陽律之五聲二變也至半太簇為清宮而與黃鍾應則
陽律旋宮之義見焉如定大呂為首音宮聲則夾鍾為
二音以商聲應仲呂為三音以角聲應林鍾為四音以
變徵聲應南呂為五音以徵聲應應鍾為六音以羽聲
應半大呂為七音以變宮聲應此陰呂之五聲二變也
至半夾鍾為清宮而與大呂應則陰呂旋宮之義見焉
所謂陰陽以類相從而不雜者此也若夫以陰陽唱和

而合用之則一律一呂折中取聲使陰陽之氣得以相
兼故黃鍾之宮為濁宮大呂之宮為清宮濁者不得揭
之使高清者不得抑之使下惟定宮聲在黃鍾大呂之
間而可濁可清始能兼律呂之用黃鍾大呂既合而為
宮則太簇夾鍾合而為商姑洗仲呂合而為角蕤賓林
鍾合而為變徵夷則南呂合而為徵無射應鍾合而為
羽至半黃鍾半大呂合而為變宮是又陰陽唱和律呂
合用者也驗之于樂器排簫鐘磬各一十有六正陰陽

之分用者也今簫與笛一孔而兼律呂一音而能高下正陰陽之合用者也至于簫笛之最上一孔適當出音孔上第一孔之半而聲低一字即宮聲之半不應宮聲而為變宮者也按其體推其數製以器審以音莫不確然有據而無纖豪之可疑則五聲二變運于十二律呂之中誠有一定不易之至理也

審定十二律呂高低字譜

樂莫要于定律審音定律者必先辨其孰為陰孰為陽孰為倍孰為半而後旋宮之義可明審音者必先辨其孰為正孰為變孰為濁孰為清而後取聲之法有準乃或專肄聲音熟諳字譜而于理數之原棄而弗考者工師之習也又或空談理數拘守舊聞而于聲字之義語而不詳者儒者之學也夫聲音與理數本相因以為用今之樂由古之樂苟探其本何雅樂之不可復哉古聖

人制十二律呂陰陽各六其生聲之理陽律六音而繼以半律陰呂六音而繼以半呂各得七聲至八而原聲復是律呂雖有十二而用之止于七也五聲二變合而為七而正宮之半即為半宮是聲雖有七而體又止于六也每一律一呂各自為宮其相應之聲自有高下或一律一呂合而為宮其相應之聲能兼清濁此按律取聲之定理也近代皆用工尺等字以名聲調而工尺字譜不知創自何時按楚辭大招即有四上競氣極聲變

只之語則其由來舊矣宋史載燕樂書黃鍾用合字大
呂太簇用四字夾鍾姑洗用乙字夷則南呂用工字無
射應鍾用凡字各以上下分為清濁其仲呂蕤賓林鍾
不可以上下分仲呂用上字蕤賓用勾字林鍾用尺字
黃鍾清聲用六字大呂太簇夾鍾清聲各用五字而以
上下緊別之緊五者夾鍾清聲也夫旋宮之法黃鍾為
六律之首大呂為六呂之首則黃鍾大呂宜得一聲止
分清濁耳而燕樂書乃以黃鍾起合字大呂太簇共為

四字既失律呂相配之義且據上下緊別之文則又似
言絃音者嘗用縱黍橫黍之尺制為黃鍾之管與今現
行管樂相較橫黍尺所制之黃鍾於簫應工字孔於笛
應四字孔

簫之工字孔與笛之四字孔名雖不同而聲則一

縱黍尺所制之黃

鍾於簫應乙字上字之間於笛應工字凡字之間夫燕
樂書以黃鍾為合字其所謂黃鍾者既非橫黍尺所制
之黃鍾又非縱黍尺所制之黃鍾果何代尺度之黃鍾
耶察其所配律呂之字蓋以琴之一絃定頭管與笛之

合字得徵分者誤為黃鍾之宮其餘諸聲字遂皆以律
呂之名配之故十字與十二律呂按分不能均而考聲
亦不能協也然所載十字雖分配十二律呂及四半律
而勾為低尺合為低六四為低五是字雖有十而音實
止于七固與五聲二變有相通者矣今按橫黍尺所制
之黃鍾正應今簫之工字而今簫之制實由古排簫而
作安知字譜所傳工字非即宮字之聲乎以工字為宮
則凡字應商六字應角商字凡字皆平聲韻角字詩皆

叶祿古多作餘與六同音至於五應變徵乙應徵上應羽五字乙字上字與徵羽二字同為上聲尺字樂工皆讀如車亦應變宮同為平聲則七字與七聲可配也審之律呂黃鍾為低工字大呂為高宮字太簇為低凡字夾鍾為高凡字姑洗為低六字仲呂為高六字蕤賓為低五字林鍾為高五字夷則為低乙字南呂為高乙字無射為低上字應鍾為高上字半黃鍾為低尺字半大呂為高尺字至半太簇仍為低工字與黃鍾應半夾鍾

仍為高工字與大呂應則七字與十二律呂可配也五
聲二變遞用以成旋宮而字譜七字亦得遞用以成旋
宮然則字譜之七字與五聲二變實相表裏者也

十二律呂同徑倍半生聲應五聲二變

律呂之見于史志者其說不一有主同徑者有主不同徑者夫惟徑之同乃得其長短之異而聲字之清濁賴之以辨使徑不同而長短又異則成同形十二律呂皆如一黃鍾矣故同徑之說乃十二律呂之定論也又史志所載言律呂者正律之外又有倍律半律變律之名夫律有倍半所以助正律而成旋宮之用至于變律乃始自京房因仲呂還生黃鍾不及原數別名執始轉生

四十八律後世因之遂有變律之說嘗以京房所定律
數細較之仲呂轉生之執始比黃鍾止少一分二釐有
奇自執始至第三十七之質末比大呂止多九釐有奇
至于譙待本蕤賓變律而數弱於姑洗分爲本大呂變
律而數弱于太簇白呂本夷則變律而數弱于南宮南
授本夾鍾變律而數弱于姑洗分爲本無射變律而數
弱于應鍾南事本仲呂變律而數弱于蕤賓故其編次
各遷就于相近律呂數下且黃鍾大呂同一聲字止分

清濁而執始至質末總未出黃鍾大呂範圍之內豈能
比黃鍾大呂別生一音耶是故按其數不得至六十之
多審其音不得成六十之用苟不實被之聲律則于倍
半正變之名有未詳而施之于用亦未當矣夫正律為
宮至半律則為變宮而或誤以半律為與正律應是聲
不應而以為應乃未達半律之為變聲也仲呂還生雖
不及黃鍾原數而所差甚微故不能自成一聲又烏可
自名一律乃或別名之為變黃鍾轉生十二變律合半

聲而用之夫聲未變而以為變是未知變律之猶未離乎正聲也至于倍律之說古人亦嘗用之而傳記並無明文但以正律對半律言謂之倍不知倍律對正律言乃真倍律也夫始黃鍾終應鍾為十二律呂之正自黃鍾而下欲用聲之更低者則有律呂之倍體自應鍾而上欲用聲之更高者則有律呂之半體由是而倍音半音之理生焉先審正律正呂之協於五聲二變者以為之準然後大而推之倍律倍呂細而及于半律半呂其

清濁之遞降高低之相應正變之屢遷按之聲音字譜
無一不叶此旋宮之用所以成也配以七聲則黃鍾大
呂為宮聲工字而分清濁太簇夾鍾為商聲凡字而分
清濁姑洗仲呂為角聲六字而分清濁蕤賓林鍾為變
徵五字而分清濁夷則南呂為徵聲乙字而分清濁無
射應鍾為羽聲上字而分清濁至于大而推之倍律倍
呂則倍無射倍應鍾共為尺字即宮聲之右有變宮而
分清濁者也倍夷則倍南呂共為上字即變宮之右有

下羽而分清濁者也倍蕤賓倍林鍾共為乙字即下羽之右有下徵而分清濁者也細而推之半律半呂則半黃鍾半大呂共為尺字即羽聲之左有變宮而分清濁者也半太簇半夾鍾共為宮字即變宮之左又有少宮而分清濁者也半姑洗半仲呂共為凡字即少宮之左復有少商而分清濁者也倍仲呂而上聲抑而啞半蕤賓而下聲噍而促惟自倍蕤賓倍林鍾以至半姑洗半仲呂可以相應和聲故倍體半體亦止於六此古樂之

所以有起下徵而終清商者以其協聲音之正而得備於用也

倍蕤賓

下徵乙字

倍林鍾

清下徵高乙字

倍夷則

下羽上字

倍南呂

清下羽高上字

倍無射

變宮尺字

倍應鍾

清變宮高尺字

黃鍾

宮聲工字

大呂

清宮高工字

太簇

商聲凡字

夾鍾

清商高凡字

姑洗

角聲六字

仲呂

清角高六字

蕤賓

變徵五字

林鍾

清變徵高五字

夷則

徵聲乙字

南呂

清徵高乙字

無射

羽聲上字

應鍾

清羽高上字

半黃鍾

變宮尺字

半大呂

清變宮高尺字

半太簇

少宮工字

半夾鍾

清少宮高工字

半姑洗

少商凡字

半仲呂

清少商高凡字

黃鍾加分減分比例同形得聲應十二律呂

凡審樂音必協之十二律呂而制樂器則一本於黃鍾
即黃鍾一徑別其長短為十二律呂復助以倍半而得
五聲二變之全乃律呂之體即黃鍾本積加分減分比
例成同形管而得各等黃鍾之長與徑又每一等黃鍾
本形內各具十二律呂之分各有五聲二變之音是為
律呂之用有體以立其本有用以盡其變然後器數全
而聲音備焉今以正黃鍾之積為本大而加分小而減

分皆與黃鍾之長與徑相比成形故曰同形其大者加

至八倍則長與徑各加一倍

大凡圓體與徑與長相較積加八倍則徑與長各加

一倍小者減至八分之一而長與徑各減一半其餘諸管

因用黃鍾本積加分減分之不同故長與徑亦隨之而

各異至于求徑之法黃鍾本積與黃鍾加分減分積數

之比即如黃鍾之徑與黃鍾加分減分徑數之比也故

以正黃鍾之積為一率正黃鍾之徑自乘再乘為二率

自乘再乘者因體積相比也

以今或加分或減分之積為三率推得

四率立方開之為所求之徑求長之法黃鍾本積與黃
鍾加分減分積數之比即如黃鍾之長與黃鍾加分減
分長數之比也以正黃鍾之積為一率正黃鍾之長自
乘再乘為二率以今加分減分之積為三率推得四率
立方開之為所求之長或以所得之徑求面冪得面冪
以除加分減分之積亦得所求之長此因體致用之大
規也按法立制以考其度以審其音八倍黃鍾之管徑
五分四釐八豪長一尺四寸五分八釐聲應正黃鍾之

律濁宮低工字

是篇所載尺度皆以今尺言其每一同形管內所有十二律呂之分並古尺今

尺之數俱詳表中

七倍黃鍾之管徑五分二釐四豪長一尺三

寸九分四釐五豪聲應大呂之呂清宮高工字六倍黃
鍾之管徑四分九釐八豪長一尺三寸二分四釐六豪
聲應太簇之律濁商低凡字五倍黃鍾之管徑四分六
釐八豪長一尺二寸四分六釐五豪聲應夾鍾之呂清
商高凡字四倍黃鍾之管徑四分三釐五豪長一尺一
寸五分七釐二豪聲應姑洗之律濁角低六字至于三

倍黃鍾之管得聲宜應仲呂之呂今則高半音而應蕤
賓之律是知管體漸小聲音易別於三倍之積復加正
黃鍾之半積始應仲呂之呂於是半積之理生焉故三
倍半黃鍾之管徑四分一釐六豪長一尺一寸零六釐
八豪聲應仲呂之呂清角高六字三倍黃鍾之管徑三
分九釐五豪長一尺零五分一釐三豪聲應蕤賓之律
濁變徵低五字二倍半黃鍾之管徑三分七釐二豪長
九寸八分九釐四豪聲應林鍾之呂清變徵高五字二

倍黃鍾之管聲應南呂之呂而二倍半二倍之間始應夷則之律乃以半積復半之是為四分之一加于二倍之內其分適合於是四分之一之理生焉故二倍加四分之二黃鍾之管徑三分五釐九豪長九寸五分五釐二豪聲應夷則之律濁徵低乙字二倍黃鍾之管徑三分四釐五豪長九寸一分八釐四豪聲應南呂之呂清徵高乙字正加四分之三黃鍾之管

即正加半復加四分之一

徑三

分三釐長八寸七分八釐四豪聲應無射之律濁羽低

上字正加四分之二黃鍾之管

即正加半

徑三分一釐三豪

長八寸三分四釐四豪聲應鍾之呂清羽高上字正
加四分之一黃鍾之管徑二分九釐五豪長七寸八分
五釐二豪聲應半黃鍾之律濁變宮低尺字此管與正
黃鍾最近欲取合清變宮之分則以四分之一復半之
為八分之一加于正黃鍾之分其聲始得於是八分之
一之理生焉故正加八分之一黃鍾之管徑二分八釐
五豪長七寸五分八釐一豪聲應半大呂之呂清變宮

高尺字繼此則正黃鍾之律濁宮低工字與八倍黃鍾之管相應同聲由是而遞減之則黃鍾正積八分之七之管聲應大呂之呂清宮高工字其徑二分六釐二豪長六寸九分七釐二豪八分之六之管聲應太簇之律濁商低凡字其徑二分四釐九豪長六寸六分二釐三豪八分之五之管聲應夾鍾之呂清商高凡字其徑二分三釐四豪長六寸二分三釐二豪八分之四之管

正即

黃鍾之半

聲應姑洗之律濁角低六字其徑二分一釐七豪

長五寸七分八釐六豪八分之三分半之管聲應仲呂
之呂清角高六字其徑二分零八豪長五寸五分三釐
四豪八分之三之管聲應蕤賓之律濁變徵低五字其
徑一分九釐七豪長五寸二分五釐六豪八分之二分
半之管聲應林鍾之呂清變徵高五字其徑一分八釐
六豪長四寸九分四釐七豪八分之二又加此一分之
四分之三之管
此一分之四分之三乃正黃鍾三十二分之二至三十二分之理生焉
應夷則之律濁徵低乙字其徑一分七釐九豪長四寸

七分七釐六豪八分之二之管

即正黃鍾四分之一

聲應南呂之

呂清徵高乙字其徑一分七釐二豪長四寸五分九釐
二豪八分之一又加此一分之四分之三之管聲應無
射之律濁羽低上字其徑一分六釐五豪長四寸三分
九釐二豪八分之一又加此一分之四分之二之管聲
應應鍾之呂清羽高上字其徑一分五釐六豪長四寸
一分七釐二豪八分之一又加此一分之四分之十一之
管聲應半黃鍾之律濁變宮低尺字其徑一分四釐七

豪長三寸九分二釐六豪八分之一又加此一分之八

分之一之管

此一分之八分之一乃正黃鍾六十分之一至此六十四分之理生焉聲應

半大呂之呂清變宮高尺字其徑一分四釐二豪長三

寸七分九釐至八分之一之管則又應正黃鍾濁宮低

工字而徑止一分三釐七豪長三寸六分四釐五豪為

正黃鍾長與徑之半自八倍黃鍾至黃鍾八分之一管

之長短圍徑雖各不同而皆得名為黃鍾故每一黃鍾

各具同徑之十二律呂各成一調之五聲二變此所以

聲音與體用相應為準則者也合而言之律呂之圍徑同者其長短不同律呂之形體同者其圍徑與長短各異然十二律呂之同徑異形者合長短倍半以成旋宮之用而黃鍾之同形異徑者因加減實積而亦成旋宮之用於萬有不齊之中而聲音字色之應同歸一致凡管樂之制莫不由是出焉如京房之律準梁武帝之律通皆因彼時律管未定故借絲音以為模範不免有改絃移柱之煩又如晉列和荀勗之東廂長笛短者二三

尺長者四五尺皆非理數之自然故無由得律呂貫通之妙也今以所定正黃鍾為本大而八倍或更加至六十四倍小而八分之一或更減至六十四分之一其間同徑同形之管凡六百九十有六則律準律通洞簫長笛豈能出其範圍也哉舜典曰律和聲言凡和聲音必協之以律國語曰匏竹利制謂其能備衆音而有定則利於裁制以為製作樂器之本也

八倍黃鍾之管

黃鍾

宮聲
工字

正黃鍾之管

七倍黃鍾之管

大呂

清宮
高工

黃鍾八分之七之管

六倍黃鍾之管

太簇

商聲
凡字

黃鍾八分之六之管

五倍黃鍾之管

夾鍾

清商
高凡

黃鍾八分之五之管

四倍黃鍾之管

姑洗

角聲
六字

黃鍾八分之四

即半
黃鍾

之管

三倍半黃鍾之管

仲呂

清角
高六

黃鍾八分之三分半之管

三倍黃鍾之管

蕤賓

半徵
五字

黃鍾八分之三之管

二倍半黃鍾之管

林鍾

清變徵
高五

黃鍾八分之二分半之管

二倍加^{四分}之一黃鍾之管

夷則 徵聲 乙字

黃鍾 八分之二又加此 一分之四分之一 之管

二倍黃鍾之管

南呂 清徵 高乙

黃鍾 八分之二 即四分之一 之管

正加^{四分}之三黃鍾之管

無射 羽聲 上字

黃鍾 八分之一又加此 一分之四分之二 之管

正加半黃鍾之管

應鍾 清羽 高上

黃鍾 八分之一又加此 一分之四分之二 之管

正加^{四分}之一黃鍾之管

半黃鍾 變宮 尺字

黃鍾 八分之一又加此 一分之四分之一 之管

正加^{八分}之一黃鍾之管

半大呂 清變宮 高尺

黃鍾 八分之一又加此 一分之八分之一 之管

正黃鍾之管

半太簇 宮聲 工字

黃鍾 八分之一又加此 一分之八分之一 之管

八倍黃鍾之管聲應黃鍾之律宮聲工字

積

古尺六千四百八十分

今尺三千四百四十三分七百三十七釐六百八十豪

徑

古尺六分七釐七豪
今尺五分四釐八豪

長

古尺一尺八寸
今尺一尺四寸五分八釐

黃鍾之分

為本管之通長
大呂而下列左

大呂之分

古尺一尺六寸八分五釐五豪
今尺一尺三寸六分五釐三豪

太簇之分

古尺一尺六寸
今尺一尺二寸九分六釐

夾鍾之分

古尺一尺四寸九分八釐三豪
今尺一尺二寸一分三釐六豪

姑洗之分

古尺一尺四寸二分二釐二豪
今尺一尺一寸五分二釐

仲呂之分

古尺一尺三寸三分一釐八豪
今尺一尺一寸七分八釐七豪

蕤賓之分

古尺一尺二寸六分四釐一豪
今尺一尺一寸二分四釐

林鍾之分

古尺一尺二寸七分二釐
今尺九寸七分二釐

夷則之分

古尺一尺一寸二分三釐七豪
今尺九寸一分二釐二豪

南呂之分

古尺一尺一寸六分六釐六豪
今尺八寸六分四釐

無射之分

古尺九寸九分八釐八豪
今尺八寸五分九釐

應鍾之分

古尺九寸四分八釐一豪
今尺七寸六分八釐

七倍黃鍾之管聲應大呂之呂清宮高工字

積

古尺五十六百七十分
今尺三千〇一十三分二百七十釐四百七十豪

徑

古尺六分四釐七豪
今尺五分二釐四豪

長

古尺一尺七寸二分一釐六豪
今尺一尺三寸九分四釐五豪

黃鍾之分

為本管之通長
大呂而下列左

大呂之分

古尺一尺六寸一分二釐二豪
今尺一尺三寸〇分五釐八豪

太簇之分

古尺一尺五寸三分〇釐三豪
今尺一尺二寸三分九釐五豪

夾鍾之分

古尺一尺四寸三分三釐
今尺一尺一寸六分〇釐七豪

姑洗之分

古尺一尺一尺一寸六分。釐三豪。今尺一尺一寸一分一釐八豪。

仲呂之分

古尺一尺二寸七分三釐八豪。今尺一尺二寸三分一釐八豪。

蕤賓之分

古尺一尺二寸九分九釐一豪。今尺一尺二寸七分九釐四豪。

林鍾之分

古尺一尺一寸四分七釐七豪。今尺九寸二分九釐六豪。

夷則之分

古尺一尺一寸七分四釐八豪。今尺八寸七分○釐五豪。

南呂之分

古尺一尺二寸二分六釐三豪。今尺八寸二分六釐三豪。

無射之分

古尺九寸五分五釐三豪。今尺七寸七分三釐八豪。

應鍾之分

古尺九寸六分六釐八豪。今尺七寸三分四釐五豪。

六倍黃鍾之管聲應太簇之律商聲凡字

積

古尺四千八百六十分
今尺二千五百八十二分八百○三釐二百六十豪

徑

古尺六分一釐五豪
今尺四分九釐八豪

長

古尺一尺六寸三分五釐四豪
今尺一尺三寸二分四釐六豪

黃鍾之分

為本管之通長
大呂而下列左

大呂之分

古尺一尺五寸三分一釐四豪
今尺一尺二寸四分○釐四豪

太簇之分

古尺一尺四寸五分三釐六豪
今尺一尺一寸七分七釐四豪

夾鍾之分

古尺一尺三寸六分一釐三豪
今尺一尺一寸○分二釐六豪

姑洗之分

古尺一尺二寸九分二釐一豪
今尺一尺〇寸四分六釐六豪

仲呂之分

古尺一尺二寸一分
今尺九寸八分〇釐一豪

蕤賓之分

古尺一尺一寸四分八釐五豪
今尺九寸三分〇釐三豪

林鍾之分

古尺一尺〇寸九分〇釐二豪
今尺八寸八分三釐一豪

夷則之分

古尺一尺〇寸二分〇釐九豪
今尺八寸二分六釐九豪

南呂之分

古尺九寸六分九釐一豪
今尺七寸八分四釐九豪

無射之分

古尺九寸〇分七釐五豪
今尺七寸三分五釐一豪

應鍾之分

古尺八寸六分一釐四豪
今尺六寸九分七釐七豪

五倍黃鍾之管聲應夾鍾之呂清商高凡字

積

古尺四千〇五十分
今尺二千一百五十二分三百三十六釐〇五十分豪

徑

古尺五分七釐八豪
今尺四分六釐八豪

長

古尺一尺五寸三分八釐九豪
今尺一尺二寸四分六釐五豪

黃鍾之分

為本管之通長
大呂而下列左

大呂之分

古尺一尺四寸四分一釐一豪
今尺一尺一寸六分七釐三豪

太簇之分

古尺一尺三寸六分七釐九豪
今尺一尺一寸〇分八釐

夾鍾之分

古尺一尺二寸八分一釐
今尺一尺〇寸三分七釐六豪

姑洗之分

古尺一尺二寸一分五釐九豪
今尺九寸八分四釐九豪

仲呂之分

古尺一尺一寸三分八釐六豪
今尺九寸二分二釐三豪

蕤賓之分

古尺一尺○寸八分○釐八豪
今尺八寸七分五釐五豪

林鍾之分

古尺一尺○寸二分五釐九豪
今尺八寸三分一釐

夷則之分

古尺九寸六分○釐七豪
今尺七尺七分八釐二豪

南呂之分

古尺九寸一分一釐九豪
今尺七寸三分八釐七豪

無射之分

古尺八寸五分四釐
今尺六寸九分一釐七豪

應鍾之分

古尺八寸一分○釐六豪
今尺六寸五分六釐六豪

四倍黃鍾之管聲應姑洗之律角聲六字

積

古尺三千二百四十分
今尺一千七百二十一分八百六十八釐八百四十豪

徑

古尺五分三釐七豪
今尺四分三釐五豪

長

古尺一尺四寸二分八釐六豪
今尺一尺一寸五分七釐二豪

黃鍾之分

為本管之通長
大呂而下列左

大呂之分

古尺一尺三寸三分七釐八豪
今尺一尺〇寸八分三釐六豪

太簇之分

古尺一尺二寸六分九釐九豪
今尺一尺〇寸二分八釐六豪

夾鍾之分

古尺一尺一寸八分九釐二豪
今尺九寸六分三釐二豪

姑洗之分

古尺一尺一寸二分八釐八豪
今尺九寸一分四釐三豪

仲呂之分

古尺一尺○寸五分七釐
今尺八寸五分六釐二豪

蕤賓之分

古尺一尺○寸○分三釐三豪
今尺八寸一分二釐七豪

林鍾之分

古尺九寸五分二釐四豪
今尺七寸七分一釐四豪

夷則之分

古尺八寸九分一釐九豪
今尺七寸二分二釐四豪

南呂之分

古尺八寸四分六釐六豪
今尺六寸八分五釐七豪

無射之分

古尺七寸九分二釐八豪
今尺六寸四分二釐一豪

應鍾之分

古尺七寸五分二釐五豪
今尺六寸○分九釐五豪

三倍半黃鍾之管聲應仲呂之呂清角高六字

積

古尺二千八百三十五分
今尺一千五百〇六分六百三十五釐二百三十五豪

徑

古尺五分之一釐三豪
今尺四十一釐六豪

長

古尺一尺三寸六分六釐四豪
今尺一尺一寸〇分六釐八豪

黃鍾之分

為本管之通長
大呂而下列左

大呂之分

古尺一尺二寸七分九釐六豪
今尺一尺〇寸三分六釐四豪

太簇之分

古尺一尺二寸一分四釐六豪
今尺九寸八分三釐八豪

夾鍾之分

古尺一尺一寸三分七釐四豪
今尺九寸二分一釐三豪

姑洗之分

古尺一尺。寸七分。分九釐六豪。
今尺八寸七分。四釐五豪。

仲呂之分

古尺一尺。寸一分。一分一釐。
今尺八寸一分。八釐九豪。

蕤賓之分

古尺九寸五分。九釐七豪。
今尺七寸七分。七釐三豪。

林鍾之分

古尺九寸一分。釐九豪。
今尺七寸三分。七釐八豪。

夷則之分

古尺八寸五分。三釐。
今尺六寸九分。釐九豪。

南呂之分

古尺八寸。分九釐七豪。
今尺六寸五分。五釐九豪。

無射之分

古尺七寸五分。八釐二豪。
今尺六寸一分。四釐二豪。

應鍾之分

古尺七寸一分。九釐七豪。
今尺五寸八分。三釐。

三倍黃鍾之管聲應蕤賓之律變徵五字

積

古尺二千四百三十分
今尺一千二百九十一分四百〇一釐六百三十豪

徑

古尺四分八釐八豪
今尺三分九釐五豪

長

古尺一尺二寸九分八釐
今尺一尺〇寸五分一釐三豪

黃鍾之分

為本管之通長
大呂而下列左

大呂之分

古尺一尺二寸一分五釐五豪
今尺九寸八分四釐五豪

太簇之分

古尺一尺一寸五分三釐八豪
今尺九寸三分四釐五豪

夾鍾之分

古尺一尺〇寸八分〇釐四豪
今尺八寸七分五釐一豪

姑洗之分

古尺一尺一寸三分。釐七豪。

仲呂之分

古尺九寸六分。釐四豪。

蕤賓之分

古尺九寸一分。釐六豪。

林鍾之分

古尺八寸六分。釐三豪。

夷則之分

古尺八寸一分。釐三豪。

南呂之分

古尺七寸六分。釐二豪。

無射之分

古尺七寸二分。釐三豪。

應鍾之分

古尺六寸八分。釐七豪。

二倍半黃鍾之管聲應林鍾之呂清變徵高五字

積

古尺二千〇二十五分
今尺一千〇七十六分一百六十八釐二十五豪

徑

古尺四分五釐九豪
今尺三分七釐二豪

長

古尺一尺二寸二分一釐四豪
今尺九寸八分九釐四豪

黃鍾之分

為本管之通長
大呂而下列左

大呂之分

古尺一尺一寸四分三釐八豪
今尺九寸二分六釐五豪

太簇之分

古尺一尺〇寸八分五釐七豪
今尺八寸七分九釐四豪

夾鍾之分

古尺一尺〇寸一分六釐七豪
今尺八寸二分三釐五豪

姑洗之分

古尺九寸六分五釐一豪
今尺七寸八分一釐七豪

仲呂之分

古尺九寸三分三釐七豪
今尺七寸三分二釐七豪

蕤賓之分

古尺八寸五分七釐八豪
今尺六寸九分四釐八豪

林鍾之分

古尺八寸一分四釐三豪
今尺六寸五分九釐六豪

夷則之分

古尺七寸六分二釐五豪
今尺六寸一分七釐六豪

南呂之分

古尺七寸二分三釐八豪
今尺五寸八分六釐三豪

無射之分

古尺六寸七分七釐八豪
今尺五寸四分九釐八豪

應鍾之分

古尺六寸四分三釐四豪
今尺五寸二分一釐一豪

二倍加

四分一

黃鍾之管聲應夷則之律徵聲乙字

積

古尺一千八百二十二分五百釐
今尺九百六十八分五百五十一釐二百二十二釐

徑

古尺四分四釐四豪
今尺三分五釐九豪

長

古尺一尺一寸七分九釐三豪
今尺九寸五分五釐二豪

黃鍾之分

為本管之通長
大呂而下列左

大呂之分

古尺一尺一寸。分四釐三豪
今尺八寸九分四釐五豪

太簇之分

古尺一尺。寸四分八釐二豪
今尺八寸四分九釐一豪

夾鍾之分

古尺九寸八分一釐六豪
今尺七寸九分五釐一豪

姑洗之分

古尺九寸三分一釐八豪
今尺七寸五分四釐七豪

仲呂之分

古尺八寸七分二釐五豪
今尺七寸二分六釐八豪

蕤賓之分

古尺八寸二分八釐二豪
今尺六寸七分〇釐九豪

林鍾之分

古尺七寸八分六釐二豪
今尺六寸三分六釐八豪

夷則之分

古尺七寸三分六釐二豪
今尺五寸九分六釐三豪

南呂之分

古尺六寸九分八釐八豪
今尺五寸六分六釐八豪

無射之分

古尺六寸五分四釐四豪
今尺五寸三分〇釐一豪

應鍾之分

古尺六寸二分一釐二豪
今尺五寸〇分三釐一豪

二倍黃鍾之管聲應南呂之呂清徵高乙字

積

古尺一千六百二十分
今尺八百六十分九百三十四釐四百二十豪

徑

古尺四分二釐六豪
今尺三分四釐五豪

長

古尺一尺一寸三分三釐九豪
今尺九寸一分八釐四豪

黃鍾之分

為本管之通長
大呂而下列左

大呂之分

古尺一尺○寸六分一釐八豪
今尺八寸六分○釐一豪

太簇之分

古尺一尺○寸○分七釐九豪
今尺八寸一分六釐四豪

夾鍾之分

古尺九寸四分三釐八豪
今尺七寸六分四釐五豪

姑洗之分

古尺八寸九分五釐九豪
今尺七寸二分五釐七豪

仲呂之分

古尺八寸三分八釐九豪
今尺六寸七分九釐五豪

蕤賓之分

古尺七寸九分六釐三豪
今尺六寸四分五釐

林鍾之分

古尺七寸五分五釐九豪
今尺六寸一分二釐三豪

夷則之分

古尺七寸七分七釐九豪
今尺五寸七分三釐四豪

南呂之分

古尺六寸七分一釐九豪
今尺五寸四分四釐二豪

無射之分

古尺六寸二分九釐二豪
今尺五寸五分九釐六豪

應鍾之分

古尺五寸九分七釐二豪
今尺四寸八分三釐八豪

正加

四分三

黃鍾之管聲應無射之律羽聲上字

積

古尺一千四百一十七分五百釐
今尺七百五十三分三百一十七釐六百一十七豪

徑

古尺四分〇釐七豪
今尺三分三釐

長

古尺一尺〇寸八分四釐五豪
今尺八寸七分八釐四豪

黃鍾之分

為本管之通長
大呂而下列左

大呂之分

古尺一尺〇寸一分五釐六豪
今尺八寸二分二釐六豪

太簇之分

古尺九寸六分四釐
今尺七寸八分〇釐八豪

夾鍾之分

古尺九寸〇分二釐七豪
今尺七寸三分一釐二豪

姑洗之分

古尺八寸五分六釐九豪
今尺六寸九分四釐一豪

仲呂之分

古尺八寸二分二釐四豪
今尺六寸五分

蕤賓之分

古尺七寸六分一釐七豪
今尺六寸一分六釐九豪

林鍾之分

古尺七寸二分三釐
今尺五寸八分五釐六豪

夷則之分

古尺六寸七分七釐
今尺五寸四分八釐四豪

南呂之分

古尺六寸四分二釐七豪
今尺五寸二分〇釐五豪

無射之分

古尺六寸一分一釐八豪
今尺四寸八分七釐五豪

應鍾之分

古尺五寸七分一釐二豪
今尺四寸六分二釐七豪

正加四分之二黃鍾之管聲應應鍾之呂清羽高上字

積

古尺一千二百一十五分
今尺六百四十五分七百釐八百一十五豪

徑

古尺三分八釐七豪
今尺三分一釐三豪

長

古尺一尺一寸三分〇釐二豪
今尺八寸三分四釐四豪

黃鍾之分

為本管之通長
大呂而下列左

大呂之分

古尺九寸六分四釐七豪
今尺七寸八分一釐四豪

太簇之分

古尺九寸一分五釐七豪
今尺七寸四分一釐七豪

夾鍾之分

古尺八寸五分七釐五豪
今尺六寸九分四釐六豪

姑洗之分

古尺八寸一分四釐
今尺六寸五分九釐三豪

仲呂之分

古尺七寸六分二釐二豪
今尺六寸一分七釐四豪

蕤賓之分

古尺七寸二分三釐五豪
今尺五寸八分六釐

林鍾之分

古尺六寸八分六釐八豪
今尺五寸五分六釐三豪

夷則之分

古尺六寸四分三釐一豪
今尺五寸二分〇釐九豪

南呂之分

古尺六寸一分〇釐五豪
今尺四寸九分四釐五豪

無射之分

古尺五寸七分一釐七豪
今尺四寸六分三釐

應鍾之分

古尺五寸四分二釐六豪
今尺四寸三分九釐五豪

正加

四分之一
黃鍾之管
聲應半黃鍾之律
變宮尺字

積

古尺一千。一十二分五百釐
今尺五百三十八分。八十四釐。一十二豪

徑

古尺三分六釐四豪
今尺二分九釐五豪

長

古尺九寸六分九釐四豪
今尺七寸八分五釐二豪

黃鍾之分

為本管之通長
大呂而下列左

大呂之分

古尺九寸。分七釐八豪
今尺七寸三分五釐三豪

太簇之分

古尺八寸六分一釐七豪
今尺六寸九分八釐

夾鍾之分

古尺八寸。分七釐
今尺六寸五分三釐六豪

姑洗之分

今古尺七寸六分六釐
今古尺六寸二分〇釐四豪

仲呂之分

今古尺七寸一分七釐三豪
今古尺五寸八分一釐

蕤賓之分

今古尺六寸八分〇釐九豪
今古尺五寸五分一釐五豪

林鍾之分

今古尺六寸四分六釐三豪
今古尺五寸二分三釐五豪

夷則之分

今古尺六寸〇分五釐二豪
今古尺四寸九分〇釐二豪

南呂之分

今古尺五寸七分四釐五豪
今古尺四寸六分五釐三豪

無射之分

今古尺五寸三分八釐七豪
今古尺四寸三分五釐七豪

應鍾之分

今古尺五寸一分〇釐六豪
今古尺四寸一分三釐六豪

正加

八分之一
黃鍾之管

聲應半大呂之呂清變宮高尺字

積

古尺九百一十一分二百五十釐
今尺四百八十四分二百七十五釐六百一十一豪

徑

古尺三分五釐二豪
今尺二分八釐五豪

長

古尺九寸三分六釐
今尺七寸五分八釐一豪

黃鍾之分

為本管之通長
大呂而下列左

大呂之分

古尺八寸七分六釐五豪
今尺七寸一分

太簇之分

古尺八寸三分二釐
今尺六寸七分三釐九豪

夾鍾之分

古尺七寸七分九釐一豪
今尺六寸三分一釐一豪

姑洗之分

古尺七寸三分九釐五豪
今尺五寸九分九釐五豪

仲呂之分

古尺六寸九分二釐五豪
今尺五寸六分〇釐九豪

蕤賓之分

古尺六寸五分七釐四豪
今尺五寸三分二釐五豪

林鍾之分

古尺六寸二分四釐
今尺五寸〇分五釐四豪

夷則之分

古尺五寸八分四釐三豪
今尺四寸七分三釐三豪

南呂之分

古尺五寸五分四釐六豪
今尺四寸四分九釐二豪

無射之分

古尺五寸一分九釐四豪
今尺四寸二分〇釐七豪

應鍾之分

古尺四寸九分三釐
今尺三寸九分九釐三豪

黃鍾之管宮聲工字

上應八倍黃鍾之管
下應黃鍾八分之一之管

積

古尺八百一十分

今尺四百三十分四百六十七釐二百一十豪

徑

古尺三分三釐八豪
今尺二分七釐四豪

長

古尺九寸
今尺七寸二分九釐

黃鍾之分

為元聲之全分
大呂而下列左

大呂之分

古尺八寸四分二釐七豪
今尺六寸八分二釐六豪

太簇之分

古尺八寸
今尺六寸四分八釐

夾鍾之分

古尺七寸四分九釐一豪
今尺六寸四分六釐八豪

姑洗之分

古尺七寸一分一釐一豪
今尺五寸七分六釐

仲呂之分

古尺六寸六分五釐九豪
今尺五寸三分九釐三豪

蕤賓之分

古尺六寸三分二釐
今尺五寸一分二釐

林鍾之分

古尺六寸八分六釐
今尺四寸八分六釐

夷則之分

古尺五寸六分一釐八豪
今尺四寸五分五釐一豪

南呂之分

古尺五寸三分三釐三豪
今尺四寸三分二釐

無射之分

古尺四寸九分九釐四豪
今尺四寸〇分四釐五豪

應鍾之分

古尺四寸七分四釐
今尺三寸八分四釐

黃鍾八分之七之管聲應大呂之呂清宮高工字

積

古尺七百。八分七百五十釐
今尺三百七十六分六百五十八釐八百。八豪

徑

古尺三分三釐三豪
今尺二分六釐二豪

長

古尺八寸六分
今尺六寸九分七釐二豪

黃鍾之分

為本管之通長
大呂而下列左

大呂之分

古尺八寸。分六釐一豪
今尺六寸五分二釐九豪

太簇之分

古尺七寸六分五釐一豪
今尺六寸一分九釐七豪

夾鍾之分

古尺七寸一分六釐五豪
今尺五寸八分。釐三豪

姑洗之分

古尺六寸八分
今尺五寸五分
〇釐一豪

仲呂之分

古尺六寸三分
今尺五寸一分
五釐九豪

蕤賓之分

古尺六寸〇分
今尺四寸八分
九釐七豪

林鍾之分

古尺五寸七分
今尺四寸六分
四釐八豪

夷則之分

古尺五寸三分
今尺四寸三分
五釐二豪

南呂之分

古尺五寸一分
今尺四寸一分
〇釐一豪

無射之分

古尺四寸七分
今尺三寸八分
六釐九豪

應鍾之分

古尺四寸五分
今尺三寸六分
七釐二豪

黃鍾八分之六之管聲應太簇之律商聲凡字

積

古尺六百。七分五百釐
今尺三百二十二分八百五十釐四百。七豪

徑

古尺三分。釐七豪
今尺二分四釐九豪

長

古尺八寸一分七釐七豪
今尺六寸六分二釐三豪

黃鍾之分

為本管之通長
大呂而下列左

大呂之分

古尺七寸六分五釐七豪
今尺六寸二分。釐二豪

太簇之分

古尺七寸二分六釐八豪
今尺五寸八分八釐七豪

夾鍾之分

古尺六寸八分。釐六豪
今尺五寸五分一釐三豪

姑洗之分

古尺六寸四分六釐
今尺五寸二分三釐三豪

仲呂之分

古尺六寸
今尺四寸九分五釐

蕤賓之分

古尺五寸七分四釐二豪
今尺四寸六分五釐一豪

林鍾之分

古尺五寸四分五釐一豪
今尺四寸四分一釐五豪

夷則之分

古尺五寸一分
今尺四寸一分三釐四豪

南呂之分

古尺四寸八分四釐五豪
今尺三寸九分二釐四豪

無射之分

古尺四寸五分三釐七豪
今尺三寸六分七釐五豪

應鍾之分

古尺四寸三分
今尺三寸四分八釐八豪

黃鍾八分之五之管聲應夾鍾之呂清商高凡字

積

古尺五百。六分二百五十釐
今尺二百六十九分。四十二釐。六豪

徑

古尺二分八釐九豪
今尺二分三釐四豪

長

古尺七寸六分九釐四豪
今尺六寸二分二釐二豪

黃鍾之分

為本管之通長
大呂而下列左

大呂之分

古尺七寸二分。釐五豪
今尺五寸八分三釐六豪

太簇之分

古尺六寸八分三釐九豪
今尺五寸五分四釐

夾鍾之分

古尺六寸四分。釐五豪
今尺五寸一分八釐八豪

姑洗之分

今古尺六寸。分七釐九豪

仲呂之分

今古尺五寸六分九釐三豪

蕤賓之分

今古尺四寸六分一釐一豪

林鍾之分

今古尺四寸一分五釐五豪

夷則之分

今古尺三寸八分九釐一豪

南呂之分

今古尺三寸六分九釐三豪

無射之分

今古尺三寸四分五釐八豪

應鍾之分

今古尺三寸二分八釐三豪

黃鍾八分之四之管即半黃鍾聲應姑洗之律角聲六字

積

古尺四百〇五分
今尺二百一十五分二百三十三釐六百〇五豪

徑

古尺二分六釐八豪
今尺二分一釐七豪

長

古尺七寸一分四釐三豪
今尺五寸七分八釐六豪

黃鍾之分

為本管之通長
大呂而下列左

大呂之分

古尺六寸六分八釐九豪
今尺五寸四分一釐八豪

太簇之分

古尺六寸三分四釐九豪
今尺五寸一分四釐三豪

夾鍾之分

古尺五寸九分四釐六豪
今尺四寸八分一釐六豪

姑洗之分

古尺五寸六分四釐四豪
今尺四寸五分七釐一豪

仲呂之分

古尺五寸二分八釐五豪
今尺四寸二分八釐一豪

蕤賓之分

古尺五寸二分一釐六豪
今尺四寸二分六釐三豪

林鍾之分

古尺四寸七分六釐二豪
今尺三寸八分五釐七豪

夷則之分

古尺四寸四分五釐九豪
今尺三寸六分一釐二豪

南呂之分

古尺四寸二分三釐三豪
今尺三寸四分二釐八豪

無射之分

古尺三寸九分六釐四豪
今尺三寸二分一釐

應鍾之分

古尺三寸七分六釐二豪
今尺三寸七分四釐七豪

黃鍾八分之三分半之管聲應仲呂之呂清角高六字

積

古尺三百五十四分三百七十五釐
今尺一百八十八分三百二十九釐四百〇四豪

徑

古尺二分五釐六豪
今尺二分〇釐八豪

長

古尺六寸八分三釐二豪
今尺五寸五分三釐四豪

黃鍾之分

為本管之通長
大呂而下列左

大呂之分

古尺六寸三分九釐八豪
今尺五寸一分八釐二豪

太簇之分

古尺六寸〇分七釐三豪
今尺四寸九分一釐九豪

夾鍾之分

古尺五寸六分八釐七豪
今尺四寸六分〇釐六豪

姑洗之分

古尺五寸三分九釐八豪
今尺四寸三分七釐二豪

仲呂之分

古尺五寸五分五釐五豪
今尺四寸二分九釐四豪

蕤賓之分

古尺四寸七分九釐八豪
今尺三寸八分八釐六豪

林鍾之分

古尺四寸五分五釐四豪
今尺三寸六分八釐九豪

夷則之分

古尺四寸二分六釐五豪
今尺三寸四分五釐四豪

南呂之分

古尺四寸四分四釐八豪
今尺三寸二分七釐九豪

無射之分

古尺三寸七分九釐一豪
今尺三寸七分七釐一豪

應鍾之分

古尺三寸五分九釐八豪
今尺二寸九分一釐五豪

黃鍾八分之三之管聲應蕤賓之律變徵五字

積

古尺三百〇三分七百五十釐
今尺一百六十一分四百二十五釐二百〇三豪

徑

古尺二分四釐四豪
今尺一分九釐七豪

長

古尺六寸四分九釐
今尺五寸二分五釐六豪

黃鍾之分

為本管之通長
大呂而下列左

大呂之分

古尺六寸〇分七釐七豪
今尺四寸九分二釐二豪

太簇之分

古尺五寸七分六釐九豪
今尺四寸六分七釐二豪

夾鍾之分

古尺五寸四分〇釐二豪
今尺四寸三分七釐五豪

姑洗之分

古尺五寸一分二釐八豪
今尺四寸一分五釐三豪

仲呂之分

古尺四寸八分
今尺三寸八分八釐九豪

蕤賓之分

古尺四寸五分五釐八豪
今尺三寸六分九釐二豪

林鍾之分

古尺四寸三分二釐六豪
今尺三寸五分〇釐四豪

夷則之分

古尺四寸二分五釐一豪
今尺三寸二分八釐一豪

南呂之分

古尺三寸八分四釐六豪
今尺三寸一分一釐五豪

無射之分

古尺三寸六分〇釐一豪
今尺二寸九分一釐七豪

應鍾之分

古尺三寸四分一釐八豪
今尺二寸七分六釐九豪

黃鍾八分之二分半之管聲應林鍾之呂清變徵高五字

積

古尺二百五十三分一百二十五釐
今尺一百三十四分五百二十一釐。三豪

徑

古尺二分二釐九豪
今尺一分八釐六豪

長

古尺六寸一分。釐七豪
今尺四寸九分四釐七豪

黃鍾之分

為本管之通長
大呂而下列左

大呂之分

古尺五寸七分一釐九豪
今尺四寸六分三釐二豪

太簇之分

古尺五寸四分二釐八豪
今尺四寸三分九釐七豪

夾鍾之分

古尺五寸。分八釐三豪
今尺四寸一分一釐七豪

姑洗之分

古尺四寸八分二釐五豪
今尺三寸九分〇釐八豪

仲呂之分

古尺四寸五分一釐八豪
今尺三寸六分六釐八豪

蕤賓之分

古尺四寸二分八釐九豪
今尺三寸四分七釐四豪

林鍾之分

古尺四寸〇分七釐一豪
今尺三寸二分九釐八豪

夷則之分

古尺三寸八分一釐二豪
今尺三寸〇分八釐八豪

南呂之分

古尺三寸六分一釐九豪
今尺二寸九分三釐一豪

無射之分

古尺三寸三分八釐九豪
今尺二寸七分四釐五豪

應鍾之分

古尺三寸二分一釐七豪
今尺二寸六分〇釐五豪

黃鍾

八分之二又加此一管聲應夷則之律徵聲乙字

積

古尺二百二十七分八百一十二釐五百豪
今尺一百二十一分。六十八釐九百。二豪

徑

古尺二分二釐一豪
今尺一分七釐九豪

長

古尺五寸八分九釐六豪
今尺四寸七分七釐六豪

黃鍾之分

為本管之通長
大呂而下列左

大呂之分

古尺五寸五分二釐一豪
今尺四寸四分七釐二豪

太簇之分

古尺五寸二分四釐一豪
今尺四寸二分四釐五豪

夾鍾之分

古尺四寸九分。釐八豪
今尺三寸九分七釐五豪

姑洗之分

古尺四寸六分五釐九豪
今尺三寸七分七釐三豪

仲呂之分

古尺四寸三分六釐二豪
今尺三寸五分三釐四豪

蕤賓之分

古尺四寸一分四釐一豪
今尺三寸三分五釐四豪

林鍾之分

古尺三寸九分三釐一豪
今尺三寸一分八釐四豪

夷則之分

古尺三寸六分八釐一豪
今尺二寸九分八釐一豪

南呂之分

古尺三寸四分九釐四豪
今尺二寸八分三釐

無射之分

古尺三寸二分七釐二豪
今尺二寸六分五釐

應鍾之分

古尺三寸一分〇釐六豪
今尺二寸五分一釐五豪

黃鍾八分之二之管

即四分之一

聲應南呂之呂清徵高乙字

積

古尺二百〇二分五百豪
今尺一百〇七分六百一十六釐八百〇二豪

徑

古尺二分一釐三豪
今尺一分七釐二豪

長

古尺五寸六分六釐九豪
今尺四寸五分九釐二豪

黃鍾之分

為本管之通長大呂而下列左

大呂之分

古尺五寸三分〇釐九豪
今尺四寸三分

太簇之分

古尺五寸〇分三釐九豪
今尺四寸〇分八釐二豪

夾鍾之分

古尺四寸七分一釐九豪
今尺三寸八分二釐二豪

姑洗之分

古尺四寸四分七釐九豪
今尺三寸六分二釐八豪

仲呂之分

古尺四寸一分九釐四豪
今尺三寸三分九釐七豪

蕤賓之分

古尺三寸九分八釐一豪
今尺三寸二分二釐五豪

林鍾之分

古尺三寸七分七釐九豪
今尺三寸七分六釐一豪

夷則之分

古尺三寸五分三釐九豪
今尺二寸八分六釐七豪

南呂之分

古尺三寸三分五釐九豪
今尺二寸七分二釐一豪

無射之分

古尺三寸一分四釐六豪
今尺二寸五分四釐八豪

應鍾之分

古尺二寸九分八釐六豪
今尺二寸四分一釐九豪

黃鍾

八分之一又加此一分之四分之三之管

聲應無射之律羽聲上字

積

古尺一百七十七分一百八十七釐五百豪
今尺九十四分一百六十四釐七百〇二豪

徑

古尺二分〇釐三豪
今尺一分六釐五豪

長

古尺五寸四分二釐二豪
今尺四寸三分九釐二豪

黃鍾之分

為本管之通長
大呂而下列左

大呂之分

古尺五寸〇分七釐八豪
今尺四寸一分一釐三豪

太簇之分

古尺四寸八分二釐
今尺三寸九分〇釐四豪

夾鍾之分

古尺四寸五分一釐三豪
今尺三寸六分五釐六豪

姑洗之分

古尺四寸二分八釐四豪
今尺三寸四分七釐

仲呂之分

古尺四寸二分一釐二豪
今尺三寸三分五釐

蕤賓之分

古尺三寸八分八釐八豪
今尺三寸二分八釐四豪

林鍾之分

古尺三寸六分一釐五豪
今尺二寸九分二釐八豪

夷則之分

古尺三寸三分八釐五豪
今尺二寸七分四釐二豪

南呂之分

古尺三寸二分一釐三豪
今尺二寸六分一釐二豪

無射之分

古尺三寸四分三釐七豪
今尺二寸四分三釐七豪

應鍾之分

古尺二寸八分五釐六豪
今尺二寸三分一釐三豪

黃鍾

八分之一又加此一管
聲應應鍾之呂清羽高上字

積

古尺一百五十一分八百七十五釐
今尺八十分七百一十二釐六百一毫

徑

古尺一分九釐三毫
今尺一分五釐六毫

長

古尺五寸一分五釐一毫
今尺四寸一分七釐二毫

黃鍾之分

為本管之通長
大呂而下列左

大呂之分

古尺四寸八分二釐三毫
今尺三寸九分〇釐七毫

太簇之分

古尺四寸五分七釐八毫
今尺三寸七分〇釐八毫

夾鍾之分

古尺四寸二分八釐七毫
今尺三寸四分七釐三毫

姑洗之分

古尺四寸。分七釐
今尺三寸二分九釐六豪

仲呂之分

古尺三寸八分一釐一豪
今尺三寸。分八釐七豪

蕤賓之分

古尺三寸六分一釐七豪
今尺二寸九分三釐

林鍾之分

古尺三寸四分三釐四豪
今尺二寸七分八釐一豪

夷則之分

古尺三寸二分一釐五豪
今尺二寸六分。釐四豪

南呂之分

古尺三寸。分五釐二豪
今尺二寸四分七釐二豪

無射之分

古尺二寸八分五釐八豪
今尺二寸三分一釐五豪

應鍾之分

古尺二寸七分一釐三豪
今尺二寸一分九釐七豪

黃鍾

八分之一又加此一管聲應半黃鍾之律變宮尺字

積

古尺一百二十六分五百六十二釐五百豪
今尺六十七分二百六十釐五百〇一豪

徑

古尺一分八釐二豪
今尺一分四釐七豪

長

古尺四寸八分四釐七豪
今尺三寸九分二釐六豪

黃鍾之分

為本管之通長
大呂而下列左

大呂之分

古尺四寸五分三釐九豪
今尺三寸六分七釐六豪

太簇之分

古尺四寸三分〇釐八豪
今尺三寸四分九釐

夾鍾之分

古尺四寸〇分三釐五豪
今尺三寸二分六釐八豪

姑洗之分

古尺三寸八分三釐二豪
今尺三寸一分〇釐二豪

仲呂之分

古尺三寸五分八釐六豪
今尺二寸九分〇釐五豪

蕤賓之分

古尺三寸四分〇釐四豪
今尺二寸七分五釐七豪

林鍾之分

古尺三寸二分三釐一豪
今尺二寸六分一釐七豪

夷則之分

古尺三寸〇分二釐六豪
今尺二寸四分五釐一豪

南呂之分

古尺二寸八分七釐二豪
今尺二寸三分二釐六豪

無射之分

古尺二寸六分九釐
今尺二寸一分七釐八豪

應鍾之分

古尺二寸五分五釐三豪
今尺二寸〇分六釐八豪

黃鍾

八分之一又加此一管聲應半大呂之呂清變宮高尺字

積

古尺一百一十三分九百。六釐二百五十豪
今尺六十分五百三十四釐四百五十一豪

徑

古尺一分七釐六豪
今尺一分四釐二豪

長

古尺四寸六分八釐
今尺三寸七分九釐

黃鍾之分

為本管之通長大呂而下列左

大呂之分

古尺四寸三分八釐二豪
今尺三寸五分五釐

太簇之分

古尺四寸一分六釐
今尺三寸三分六釐九豪

夾鍾之分

古尺三寸八分九釐五豪
今尺三寸一分五釐五豪

姑洗之分

今尺三寸六分九釐七豪
今尺二寸九分九釐五豪

仲呂之分

今尺三寸四分六釐二豪
今尺二寸八分〇釐四豪

蕤賓之分

今尺三寸二分八釐七豪
今尺二寸六分六釐二豪

林鍾之分

今尺三寸一分二釐
今尺二寸五分二釐七豪

夷則之分

今尺二寸九分二釐一豪
今尺二寸三分六釐六豪

南呂之分

今尺二寸七分七釐三豪
今尺二寸二分四釐六豪

無射之分

今尺二寸五分九釐七豪
今尺二寸一分〇釐三豪

應鍾之分

今尺二寸四分六釐五豪
今尺一寸九分九釐六豪

黃鍾八分之一之管聲應黃鍾之律宮聲工字

積

古尺一百。一分二百五十釐
今尺五十三分八百。八釐四百。一豪

徑

古尺一分六釐九豪
今尺一分三釐七豪

長

古尺四寸五分
今尺三寸六分四釐五豪

黃鍾之分

為本管之通長
大呂而下列左

大呂之分

古尺四寸二分一釐三豪
今尺三寸四分一釐三豪

太簇之分

古尺四寸
今尺三寸二分四釐

夾鍾之分

古尺三寸七分四釐五豪
今尺三寸。分三釐四豪

姑洗之分

古尺三寸五分五釐五豪
今尺二寸八分八釐

仲呂之分

古尺三寸三分二釐九豪
今尺二寸六分九釐六豪

蕤賓之分

古尺三寸一分六釐
今尺二寸五分六釐

林鍾之分

古尺三寸四分三釐
今尺二寸四分三釐

夷則之分

古尺三寸八分〇釐九豪
今尺二寸二分七釐五豪

南呂之分

古尺二寸六分六釐六豪
今尺二寸一分六釐

無射之分

古尺二寸四分九釐七豪
今尺二寸〇分二釐二豪

應鍾之分

古尺二寸三分七釐
今尺一寸九分二釐

久米町長

御製律呂正義上編

七十九

御製律呂正義上編卷一